

# Esiste

Cumu sapè induve andà quandu ùn si sà più da induve si vene.  
I passi di l'anziani anu sulcatu chjasi cusi sicuri.  
E so mani anu alzatu paesi cusi vivi. E so voci anu cantatu parulle cusi sincere. A storia cum'ella hè, si dace è si transmette tal'una fiara putente ma attempu fràgile. E tandun cum'è l'hà dettu Victor Hugo... Quandu more l'ignureenza, nasce a libertà.

U signozzu d'una tarra, chì sà arburà i scetri  
Persu avìa à so zarra, frà li chjassi li più tetri  
Da sbusginà una fiara.

È cusì,  
Una prutesta nascia, frà stu duttrina suciale  
Pè suminà à sulia, una identità reale  
Chì s'accertava fundia.

Tandu l'esse fù ragione, pè pruclamà è sussiste  
L'arbitraria decisione, d'una cagione d'esiste.

È à cuscenze rabbiose, svulteremu l'inghjustizia  
Di ste preputenza altose, à l'infama ingurdizia  
Incù l'ànime bramose, da caccià l'inimicizia.

Qui ogni ventu s'hè destu, à u passu d'un dumane  
È u focu manifestu, colmu à fiàccule suvrane  
Dete un chjarore celestu.

È cusì,  
À l'innasta illudente, d'una forza chjasimata  
Una stella più ardente, ci sarà sparamundata  
Pè zirlà d'altre surgente.

Oghje l'avvene cuncede, l'armunia d'un rinnovu  
Da dissetà è spruvede, u sensu d'ogni riprovu.

È à cuscenze accese, volta torna a maestria

Da scioglie ste maniprese, ritruvendu à so via  
Pè cuncreà stu paese, à l'alta demucrazia.

Da scioglie ste maniprese, ritruvendu à so via  
Pè cuncreà stu paese, à l'alta demucrazia.  
È cusì sarà.

*Ceccè Angeleri / simon'Paulu Ferrandi*